

տացուած է եղել, որ վրաց զօրամասը պէտք է մնայ Արտաշանում. «Բացի այդ, վարչապետը տեղեկութիւններ ունի, որ Արտաշանում երեւացել է հայկական բանակի մի սպայ. դրանից վարչապետը եզրակացութիւն է հանում, որ անգլիական կառավարութիւնը, յանձին Քորիի, Արտաշանի գաւառի միւս ամիրն գտնուող մասը յանձնում է հայերին»:

«Բրիտանական զինուորական ուժերի հասնելուց յետոյ ոչ վրացիներին կարիք կը լինի, ոչ հայերին», — պատասխանում է զօր. Քորին:

Մի ուրիշ խօսակցութեան ժամանակ էլ ժորտանիան բողոքում է զօր. Քորին, որ վերջինս ստիպում է վրաց զօրքերը հեռացնել Արտաշանի գաւառից. նա պնդում է, որ Արտաշան քաղաքը եւ գաւառի այս կողմի մասը պատկանում է Վրաստանին:

Կամաւորական բանակի ղէմ խօսելիս ժորտանիան մի քանի անգամ շեշտում է, որ հայերը գործում են նրանց հետ.

«Հայերը Կամաւորականների առաջապահ զօրամասերում են գտնուած»:

Զօր. Բիչը բացատրում է, թէ հայերը, ինչպէս եւ արխաղցիներն ու ծովեզերքի ուռուները յաճախ բողոքել են վրացիների ղէմ. «Դենիկինի զօրքերը տեսնում էին, թէ վրացիները ի՞նչպէս հայերին գնդացիներից գնդակահարում էին 100 գետի մօտ»:

Ժորտանիան չի կարողանում հերքել այս փաստը: Եւ, իսկապէս, դժուար է հերքել, որովհետեւ, իրօք որ, վրացիները իրենց կարճատեւ իշխանութեան ընթացքին շատ բռնութիւններ գործադրեցին արխաղ, բայց մանաւանդ հայ ազգարնակութեան դէմին: Եւ այդ բռնութեան էլ զոհ գնացին:

\* \* \*

Մոսկ, ճնշող տպաւորութիւն թողնող

զրութիւններ են քննութեան նիւթ կազմող վաւերագրերը:

Մնդիրը այն չէ, որ անգլիացիք իրենց պահում են, կարծես, նուաճուած երկրում — պատերազմական մթնոլորտը դեռ չէր պարզուել եւ պատերազմական ոգով տողորուած զօրավարներից ուրիշ վերաբերում սպասել էլ չէր կարելի:

Այդ երեւոյթը ընդհանուր էր եւ միայն Վրաստանին յատուկ չէր: Այդ երեւոյթը ժամանակակեր էր — խաղաղութիւնը կը հաստատուէր, զօրամասերն ու զօրավարները կը քաշուէին իրենց տները, եւ հարցը կը փակուէր: Ընչիչը վրացի ղեկավարների երեւան հանած մտայնութիւնն է՝ թէ իրենց սեփական գործերի եւ թէ հարեւանների նկատմամբ: Այդ մըտայնութիւնն էր գլխաւոր պատճառներից մէկը, որ Մնդիրկովիսեան հանրապետութիւնները ձգեց բոլշեւիկների ձեռքը, իսկ նրանց վարիչներին հասցրեց — Փարիզ:

Փոխուած է արդեօք այդ մտայնութիւնը այսօր: Ո՛չ, դժբախտաբար: Եթէ կարելի լինէր բանալ ժորտանիաների արխիւները եւ հրապարակ հանել նրանց գործունէութեան նորագոյն շրջանին վերաբերող վաւերագրերը — ո՞վ գիտէ ինչ անակնկալ բաներ դուրս կը գային: Եւ այս անգամ, դուցէ, զօր. Ուօկկերների ու Քորիների, Սըր Ուօրտրոպների փոխարէն ո՞վ գիտէ ի՞նչ տարօրինակ անուններ ցցուէին մեր առջեւ, աշխարհական ի՞նչ հեռաւոր ու հակոտնեայ վայրեր կապուէին իրար հետ վրացական պատեհապաշտ ու ոլորուն քաղաքականութեան շնորհիւ:

Աւելի քան որեւէ մէկը, վրացի մենչեւիկները հաստատում են, որ այսօրը շարունակութիւնն է երէկուան: Մարդիկ հետեւողական են եւ սկզբունքային՝ իրենց պատեհապաշտութեան եւ անսկզբունքութեան մէջ: